


DRUŠTVO FIZIČARA U BOSNI I HERCEGOVINI

Prirodno-matematički fakultet
Zmaja od Bosne 35, 71000 Sarajevo
Tel/fax 033 647 641
Tel/fax predsjednika Društva 033 653 294
e-mail: drustvofizicara@yahoo.com



FEDERALNO MINISTARSTVO OBRAZOVANJA I NAUKE

Tuzla, 12.04.2008

U subotu, 12. aprila/travnja održano je 13. Federalno takmičenje iz fizike za učenike srednjih škola, u organizaciji Društva fizičara u BiH, Federalnog ministarstva obrazovanja i nauke, škole domaćina – Behram-begova medresa iz Tuzle.

Ima više razloga zašto je odabrana baš ova škola. Pored poznate činjenice da je to jedna od najstarijih obrazovnih institucija u BiH, smještena u novom savremeno opremljenom zdanju, škola koja nastoji da bude vjesnik simbol savremenog sekularnog srednjeg obrazovanja, sa dugogodišnjom tradicijom obrazovanja kvalitetnih kadrova, ova škola posjeduje kapacitete da ugosti sve učenike koji su se plasirali za natjecanje, i to u veoma ugodnom i nadasve savremeno opremljenom internatskom smještaju. Uslovi koje su takmičari imali bili su na evropskom nivou, od čistoće, pažnje, organizovanog rasporeda i protokola.

Osoblje Behram-begove medrese iz Tuzle, zajedno sa profesorima Sarajevskog, Tuzlanskog, i Zeničkog univerziteta, koji su učestvovali u pripremi takmičenja i pregledanju zadataka pobrinuli su se da takmičenje protekne u veoma ugodnoj atmosferi i na visokom profesionalnom nivou. Više od stotinu učenika srednjih škola Federacije BiH pokazali su veoma dobro znanje i potvrdili da nemamo razloga za brigu da će mladi koji su dobro obrazovani u fundamentalnim prirodnim naukama kao što je fizika biti glavni oslonac budućeg razvoja naše zemlje. Nove tehnologije i napredak mogu ostvariti samo oni. Zato je najvrijednije ulagati u njihovo znanje i davati značaj njihovim izvanrednim uspjesima.

Posebno radosna vijest takmičarima/natjecateljima stigla je na otvaranju, od predstavnika Federalnog ministarstva obrazovanja i nauke, o povećanoj visini novčanog iznosa za prva tri najbolje plasirana mjesta, i to po svakoj kategoriji takmičenja. Prva mjesta će dobiti novčanu nagradu u iznosu od **1000 KM**, druga mjesta **800 KM**, a treća **600KM**.

Takmičenje se odvijalo u četiri kategorije, tj. četiri oblasti: **A, B, C i D** : oblasti koje pokrivaju odgovarajući program fizike za srednje škole prema uzrastu i razredu srednjih škola općenito.

Najbolji su:

U oblasti A: Mehanika i termodinamika:

1. mjesto – **Ajanović Edin**, Prva bošnjačka gimnazija Sarajevo
1. mjesto – **Almir Vardo**, Tehnička škola Zenica
2. mjesto – **Zlatan Tucaković**, Druga gimnazija Sarajevo
3. mjesto – **Rašid Omerovic**, Srednja škola Behrambegova medresa, Tuzla
4. mjesto – **Džan Ahmed Jesenković**, Prva Bosnjačka gimnazija Sarajevo
5. mjesto – **Sead Hrnjavić**, Treća gimnazija Sarajevo

U oblasti B: Oscilacije, talasi i elektromagnetizam:

1. mjesto – **Husremović Faruk**, Opća gimnazija Zenica
2. mjesto – **Ademović Adnan**, Druga gimnazija Sarajevo
3. mjesto – **Jabandžić Irfan**, Gimnazija „Musa Ćazim Ćatić” Tešanj
4. mjesto – **Kohnić Arman**, Elektrotehnička škola Mostar
- 4 mjesto – **Mešanović Amer**, Druga gimnazija Sarajevo
5. mjesto – **Hasić Emina**, Gimnazija Visoko

U oblasti C: Optika i atomska fizika:

1. mjesto – **Došenović Branko**, Katolički školski centar Sarajevo
2. mjesto – **Ibrić Amra**, Gimnazija „Mustafa Novalić” Gradačac
3. mjesto – **Seferagić Benjamin**, Unsko-sanski koledž, Bihać
4. mjesto – **Avdić Denis**, Druga gimnazija Sarajevo
5. mjesto – **Šalaka Edin**, Druga gimnazija Sarajevo

U oblasti D: Cjelokupna fizika:

1. mjesto – **Dedović Ermin**, Druga gimnazija Sarajevo,
2. mjesto – **Šibenik Goran**, Druga Gimnazija Sarajevo
3. mjesto – **Banjac Goran**, Katolički školski centar Sarajevo
4. mjesto – **Habibović Dino**, Treća gimnazija Sarajevo
5. mjesto – **Karović Damir**, Opća gimnazija Zenica

Najbolji takmičari iz oblasti D i C plasirali su se za Državnu olimpijadu fizičara koja će se održati 17. maja u Brčkom. Spisak imena takmičara koji će biti pozvani na to takmičenje biće uskoro objavljen.

Svi navedeni pobjednici dobili su diplome, a tri prvoplasirana i novčane nagrade.



Učenici rješavaju složene zadatke



Obraćanje predstavnika Federalnog ministarstva obrazovanja i povećani iznos nagrada veoma je obradovao takmičare

Izveštaj pripremila:

Prof. Dr. Rajfa Musemić, predsjednica Društva fizičara u BiH